


證治準繩

外科 卷之三下

漢書門			
一	三	五	四
八	一	〇	八
冊	架	函	號

內閣文庫			
三	〇	八	〇
函	冊	架	架

內閣文庫	
番號	漢 12548
冊數	80 (27)
函號	301 61



白僵蠶

去系嘴用炒
各壹錢

大蟹螯

未箇去
頭足炒

在味共為細末每服壹錢重空心用無灰酒調

薄荷丹

解癘癰風熱之毒自小便去宣毒後常須

薄荷

皂角

不蛙者
去弦皮

連翹

何首烏

米泔
浸

蔓荊子

京三稜

煨

荊芥

各壹兩

右為末好豉貳兩半以米醋煎沸灑豉淹令軟研
如糊和丸桐子大每服叁拾丸食後熟水下日壹

頁部

小

三

服病雖愈常服之

四聖散 治瘰癧服白花蛇散轉利後服此藥調之
永去其根

海藻洗

石決明煨

羌活

瞿麥穗各等分

右件共為細末每服貳錢用米湯調下清水盪為
度

瞿麥飲子 治瘰癧馬刀

瞿麥穗半斤

連翹壹斤

右為粗末水煎臨卧服此藥經効多不能速驗宜

待歲月之久除也

海菜丸 治瘰癧生於頭項上交接名蛇盤瘰癧宜早治
之

海藻菜蕎麥炒

白僵蠶微炒去絲嘴

右等分為細末海藻菜旋炒研篩湯泡白梅取肉
減半用所泡湯為丸如梧桐子大每服陸柒拾丸
食後臨卧米飲送下其毒自大便内泄出若與淡
菜連服為妙蓋淡菜生於海藻上亦治此病忌豆
腐雞羊酒麵日五六服

檳榔散 治氣毒瘰癧心膈壅悶不下飲食

檳榔

前胡 去蘆

赤茯苓

牛蒡子 炒各壹兩

人參 去蘆

枳殼 去穰炒

沉香

防風 去蘆各半兩

甘艸 炙各錢半

右剉碎每服肆錢以水壹盞入生薑半分煎至陸分去粗空心及晚食前溫服

皂角煎丸 治風毒瘰癧

皂角 不蛀者參拾挺內拾挺炮黑拾挺酥炙拾挺用水壹鍾煮軟採取汁用

何首烏

玄參

薄荷葉 各肆兩

右為細末以皂角汁熬膏同鍊蜜為丸如豌豆大每服參肆拾丸食後溫湯送下

祛風丸 一名何首烏丸

治風毒瘰癧

何首烏 蒸

乾薄荷葉

玄參 各肆兩為末

精羊肉 半斤

皂角 參拾挺用拾挺火燒欲過拾挺酥炙去皮拾挺水按

取汁去滓

右以皂角水煮肉使爛細研和藥為丸如梧桐子大每服貳拾丸空心溫酒或薄荷湯送

絳宮丸

大黃 酒蒸

白朮 各貳兩

山查

連翹

川芎

當歸 酒洗

麥芽

桃仁

蘆薈

甘草

芸薹子

各壹兩

黃連

酒浸

南星

酒浸

海藻

酒洗各壹兩半

升麻

羌活

桔梗

防風

各半兩

黃芩

酒炒半兩

右為末用神麩糊為丸已破加人參壹兩煎膏用

甘草節僵蠶同煎

治療癰結核丸藥

黃芪

宋分

玄參

捌分

苦參

牛蒡子

各玖分

枳實

炒

大黃

羚羊角屑

麥門冬

去心各伍分

連翹

人參

去蘆

青木香

蒼耳子

升麻

茯苓

甘艸

桂心

朴硝

各肆分

右為細末煉蜜和丸如梧子大以酒下拾丸日夜三四漸加至貳叁拾丸以知為度忌生冷豬肉海藻菘菜生蔥酢蒜陳臭等物

水紅花飲

治療癰腫核結硬不消及膿汁傷穿不

瘡

水紅花

不拘多少一半炒一半生用

右粗搗篩每服貳錢水壹盞煎柒分去滓溫服食

後臨卧日參好酒調亦可

又方

牡蠣

不以多少用灰深培上以炭參斤煨火盡取半斤為細末

甘草

取末

右研勻每服貳錢食遠以建茗同點日二服忌魚酒鮓醬油鹽海味等物

治頸上塊動者

夏枯草

陸錢

甘草

壹錢

右各另為末和勻每服壹錢至貳錢茶清調下食

許學士云夏枯草大治瘰癧散結氣有補養厥陰血脈之功而經不言觀其能退寒熱虛者儘可倚仗若實者以行散之藥佐之外施艾灸亦漸取効此草三四月開花夏至邊便枯蓋稟純陽之氣得陰則枯耳世人不知故表而出之

本事方治鼠瘻瘰癧

土附子

壹枚

食鹽

叁升

小便

伍升

右三味同浸半月日取出將附子去黑皮陰乾為末用黑豆爛煮研為膏丸附子末如梧子大每服拾丸酒吞下早晚二服

藏

治一切丈夫婦人瘰癧經効牡蠣用炭一稱煨通赤
取出於濕地上用紙襯出火毒一宿取肆兩玄參
參兩并搗羅為末以麵糊為丸如梧桐子大早晚
食後臨卧各服參拾丸酒吞下此藥將盡癧亦除
根

肘後治領下瘰癧如梅李大宜速消之海藻壹斤酒
壹升漬數日稍稍飲之

行取蓼子微炒研為細末薄荷酒調貳參錢服治瘰
癧久則効

初虞世治瘰癧用夜合草遇夜則其葉閉合本草名
合明俗名連錢母出禾田中貼水而生取其葉搗

自然汁服之查蠶患處効
保命文武膏 治瘰癧用桑椹黑熟者貳斗以布袋

絞取汁石器中熬成膏子白湯化下壹匙日三服
紅者晒乾為末湯調服

聖惠治瘰癧腫痛年深時久不瘥用狸頭蹄骨酥炙
黃搗羅為散每日空心粥飲調下壹錢匕

破結散大成治石癭氣癭血癭肉癭馬刀瘰癧等證
海藻酒洗淨 龍膽草酒洗 海蛤粉

通草 貝母去心 礬石枯

昆布

酒洗淨

松蘿

各參錢今以桑寄生代効

麥麩

炒肆錢

半夏麩

貳錢

右為細末每服貳錢熱酒調食後服忌甘艸鯽魚
雞肉五辛生菜 有人於項上生癰大如茄子潮
熱不食形瘦日久百方不効後得此方去松蘿加
真桑寄生一倍服五日後其瘡軟而散熱退而愈
屢醫數人皆効

補虛益氣養榮湯

治懷抱抑鬱或氣血損傷四肢頸項

等處患腫不問軟硬赤白腫痛或潰而不斂

人參

茯苓

陳皮

貝母

香附子

當歸

酒拌

川芎

黃芪

鹽水拌炒

熟地黃

酒拌

芍藥

炒各壹錢

甘草

炙

桔梗

各伍分

白朮

炒貳錢

柴胡

陸分

右薑水煎服

附散腫潰堅丸

治瘰癧馬刀瘡服益氣養榮湯不

能消散者宜服此丸五日又服益氣湯五日如此
相兼服之不應以針頭散傳之

知母

黃檗

各酒拌炒

瓜蒌根

酒拌

昆布

酒洗炒

桔梗

蓬朮

酒拌炒

連翹

黃連炒

京三稜酒拌炒

葛根

白芍藥各叁錢

升麻

當歸尾酒拌

柴胡

甘草各壹兩

草龍膽肆兩酒炒

黃芩壹錢伍分一半酒炒一半生用

為細末煉蜜為丸如菉豆大每服壹伯丸或壹伯

伍拾丸滾湯送下

又治瘰癧

人參

白朮

當歸

陳皮

芍藥酒浸各壹錢

川芎

香附子

茯苓

半夏各伍分

甘草少許

右作一服薑貳片以金銀藤煎湯壹鍾半煎前藥

食後就吞絳宮丸伍拾粒方見前

補陰八珍湯 治瘰癧等瘡屬足三陰虛者

當歸

川芎

熟地黄

芍藥

人參

白朮

茯苓

甘艸

黃蘗酒炒黑

知母酒炒各柒分

右水煎服

夏枯草湯 治瘰癧馬刀不問已潰未潰或日久成

漏用夏枯草陸兩貳鍾煎至柒分去粗食遠服

此生血治瘰癧之聖藥虛甚當煎濃膏服并塗患處多服益善兼十全大補湯加香附子貝母遠志尤善

初虞世云瘰癧多生肩項或赤或白或沉或浮初生如豆久似核年月浸久其大如梅或如雞卵排行成列或生二三或生六七俗云蟠蛇癧是也用性努力思慮過久則疾痛赤腫繼之早治為上

流注癧婦人多有之其性急躁其氣怫鬱其心執着初生在項破後膿注四肢遍體結毒如梅李狀不瘰自破孔竅相穿寒熱疼痛或流膿汁是名流注癧也

又名千歲瘡宜服托裏救苦神應丸

川烏附

去皮臍生用

當歸

酒浸壹宿

沒藥

白芷

陳皮

甘草節

各壹兩

烏頭

伍兩

薑黃

壹兩半

蟬蛻

水洗半兩

大皂角

柴錠去皮弦子

右用皂角敲碎水肆大椀煎至貳大椀濾去渣用汁一同煮烏頭川烏候烏頭爛為度搗如泥其餘諸藥却另為末和烏頭泥為丸如桐子大每服陸拾丸飢飽皆用薄荷湯下若瘡既破穿鑿孔穴其處必生腫肉如指大或黑或白乃風與氣搏宜驅

風行經散氣之劑以化氣調經湯主之
化氣調經湯 與神應丸間服治流注癰

香附子 酒浸壹宿日乾

羌活

白芷 各壹兩

牡蠣 火燉

甘草

天花粉

皂角刺 各半兩 橘皮 貳兩

右為細末每服貳錢用白湯不拘時調下日三次
如脉有力者先用追毒神異湯下之却服救苦神應丸

辰砂

血竭 各壹錢

麝香 壹字共研細

大黃

大甘草節 各半兩共為咬咀

右為咬咀河水壹鍾煎至半鍾調前末于臨卧服之

单窠癰者生一箇也發於頸項最難治但宜如前藥服之日久自消或發於顛骨亦難治用毒藥療之勿令浸漬日久 蓮子癰一胞裹十數枚生於項之左右以手觸則能轉動尚可用藥治療如堅硬挨不動者乃不可生憎寒發熱躁渴凡遇此證至難治雖神聖亦無如之何也已

重臺癰生於項頸或左或右初則单窠結在上或在

外科三
若是毒行其腫痛發渴生痰萬死一生害人極速初
覺有之急用小犀角丸粉金散治之 燕窠癰形似
燕窠不可治

外治

程石香治法以火針刺入核中不可透底納蟾酥膏
於中外用綠雲膏貼之三日後取去核中稠膿膿盡
取去核外薄膜先破初起之核一枚以絕其源服藥
後出者皆愈或不肯收如銀杏者盡皆開了用藥取
之其自潰者猶如木菓之腐熟肉雖潰而核猶存故
膿水淋漓又難得愈治者用鐵烙燒赤烙去其破核
猶存者併肉潰處次用金寶膏龍珠膏等藥追去盡
惡之根遂能長肉而愈隨經絡證候服除風熱蕪引
經之藥以除根本可獲全功也

蟾酥膏

蟾酥

如大豆許

巴豆

伍粒

白丁香

拾伍粒

寒水石

些少

寒食麵

些少

右各另研和作一處再研煉蜜為丸如菜豆大每
用壹丸或貳叁丸納入針竅中如膿未盡再用敷
丸以膿盡為度

綠雲膏

黃連

大黃

黃芩

玄參

黃檗

木鼈子

去殼各壹錢

右細切用香油壹兩同煎焦色去藥入淨松香伍兩再煎成膏濾入水中扯拔令金色入鈔再熬放温入後藥 豬膽汁 叁枚 銅綠 叁錢醋浸壹宿綿濾去粗 右用竹筥帶温攪勻然後如常攤貼兼治瘡口不乾加乳香沒藥輕粉尤妙

金寶膏

去腐肉朽肉不傷良肉新肉

桑柴灰

伍碗用沸湯拾碗淋汁先以草帚一層皮帚二層放羅底次置灰於上淋之

穿山甲

貳兩煨時

信砒

貳錢

杏仁

柒粒去尖

山甲研細

生地黄 貳兩

辰砂

壹錢

粉霜

另研

麝香

各半錢

右將灰汁濾清下鍋煎濃下甲末候焦乾一半下麝香次下粉霜乾及九分下辰砂候成膏下炒石灰末以成塊子即收入小罐子內勿見風

龍珠膏

龍牙草

伍兩

棘棗根

半兩

海藻

貳錢半

蘇木

半兩

右細切量水貳拾碗煎至拾貳參碗濾去粗又用桑柴灰 石灰 蒼耳草灰 各貳碗半 以草紙兩層皮紙兩層放籬底次置灰於上用煎

湯熱淋取灰汁十碗許澄清入鍋內煎成膏用巴
豆霜白丁香石膏麝香輕粉磁罐子收貯取傅核
上再傅卽去舊藥併靨再上新藥其核卽潰而愈
根小者但只塗藥於根上其核自潰

散

蝸牛散三因治瘰癧潰與未潰皆可治

蝸牛

不拘多少以竹簽穿瓦上晒乾燒存性

右為末入輕粉少許豬骨髓調用紙花量瘡大小
貼之一法以帶殼蝸牛柴箇生用取去肉入丁香
柴粒於柴殼內燒存性與肉同研成膏用紙花貼
之

粉金散

黃蘗

草烏各等分

為末蜜調傅之

東垣龍泉散

塗瘰

瓦粉

龍泉粉

炒卽磨刀石上粉也

廣茂

京三稜

各酒浸炒乾

昆布

洗去土各半兩

右件同為極細末煎熟水調塗之用此去疾尤速

奇功散

郭氏治瘰癧馬刀頑惡等瘡

野糞尖

乾壹兩

蜜陀僧

無名異

各半兩

皂角

乳香

沒藥

各叁錢

右糞用鹽泥封固炭火煨之去泥取出同藥五味

研為末加麝香少許用清油調勻漫敷上濕即乾
搽其功神効

蝙蝠散 治癩多年不瘥

蝙蝠

壹箇

貓頭

壹箇

右同燒作灰撒上黑豆煨其灰骨化碎為細末濕
即乾搽乾則油調傅內服五香連翹湯

螺灰散

大田螺

連殼燒存性

右為細末破者乾貼未破者香油調傅

治癩癰未破者如神百藥不應者累効

杏樹葉

陰乾為末伍分

萬年霜

火煨為末貳分半即人中白

蝙蝠

火焙乾為末

白花蛇蛻

燒為灰存性為末各貳分半

蜜蜂

末箇焙為末

右將杏樹葉末用清水調却入前四件藥末調勻
傅患處却將皮紙一片用針刺孔貼藥上如乾用
清水就紙上刷之每一晝夜換藥一次如面上發
熱服清涼飲子數貼其熱自退

敗散癩癰方神効

白膠香

海螵蛸

降真香

用心無土氣者

右等分為末搽患處外以水帛掩之一夕而退

已破者

蜜蜂

貳拾壹個

蛇蛻

米分半

蜈蚣

貳條端午前收者

右用香油肆兩將前三藥入油內用文武火熬成入光粉貳兩用桑枝柴條如筋大者急攪候冷出火氣七晝夜方可用帛攤作膏貼患處已上二方得於義門

鄭氏累驗不須服藥貼上五七日便消

丹貼瘰癧方用大烏頭伍個火炮伍箇生用並去皮臍大皂莢貳條半以好米醋貳鍾刷炙醋乾為度一半焙乾並去黑皮又用炒糯米一百六十粒同研末以好米醋於火上略頓微煖傅貼患處入蜜少許尤

佳 不問有頭無頭大蟾伍枚日乾細研酥調如麵

日兩度貼之

出聖惠方蟾一作蜘蛛

或破或不破項以下至

胸前者皆治之用九真藤如雞卵大洗生嚼常服之

取葉搗傅瘡上數服即止

出斗門方九真藤即何首烏也

治瘰癧用鯽魚壳花燒灰存性水調傅 治鼠瘰小嫩

鼠未出毛者焙乾蝙蝠糞小麥炒鬼箭根焙乾各為

末和勻油調傅乾再傅之

本治鼠瘰癧刺蝟皮瓦上炒右一味研為末加水

銀粉乾傅

廣治瘰癧經年不瘥者生玄參搗碎傅上日一易之

外治瘰癧燒狼屎灰傅上

治諸瘰癧疾本

硃砂

砒霜

硃砂

馬牙硝

各等分

右乳鉢內研細麵糊搜如香附子狀相瘡口大小作之盡送入瘡口中恐腫時用薄荷研細塗之待收口却將大檗皮白丁香並為末盡入孔中如邊不乾却用江子去殼不拘多少用麻油煎令赤去火氣後去江子入臘合如膏看瘡口大小塗之及將白芨末水調塗上立効

治漏瘰癧用蛇菰子不拘多少瓦上晒乾為末用紙燃

蘸藥入瘡口立効

蛇菰子未詳恐即蛇莓子

神聖換肌散

郭氏去瘰癧頑瘡

此方乃追蝕死肉峻藥非頑急勿用

白僵蠶貳錢

白礬壹錢半

砒霜生

盤螿去翅足

草烏頭

青黛各壹錢

麝香少許

右研極細末乾摻此少於瘡口內用膏藥蓋護其

惡肉化膿水

生肌乾膿散

治瘰癧馬刀膿汁不乾者

黃連

貝母

降真香

燒存性

白芨

海螵蛸

五倍子

炒黑

芸香 各伍錢 輕粉 伍分

右為末用藥水洗次揆此末外貼膏藥

如神散 治療癰已潰腐肉不去瘡口不合者

白礬 煨叁錢 松香 焙化傾地上壹兩

右末揆少許於瘡口上外貼膏藥

錠子 三品錠子

上品 治一切痔漏

白礬 貳兩 信石 壹兩叁錢 乳香

沒藥 各叁錢半 雄黃 叁錢

中品 治五漏六瘤氣核瘰癧

白礬 貳兩 信石 壹兩叁錢 乳香

沒藥 各叁錢 雄黃 貳錢

下品 治療癰氣核惡瘡六瘤

白礬 貳兩 信石 壹兩伍錢 乳香

沒藥 各貳錢半 雄黃 壹錢

右三品俱同製度先將信石打碎如豆大置甘鍋內上以礬末蓋之瓦片蓋上以炭火煨令烟盡取出候冷為末用秫米糊為線挺陰乾隨瘡大小深淺長短臨時裁度先以鉄筒拔毒膏點破次以藥線緝入瘡內膏藥貼之藥線消盡又要換藥三四

項部 夕和 二 九三

次年深者五六次其根自腐潰如瘡露在外更用蜜水調搽濕則乾上亦可

紫霞錠子 治瘰癧痔漏惡瘡

信石煨 白礬煨 硃砂各壹錢 膽礬

雄黃 硃砂各伍分 乳香 沒藥各貳分半

麝香 片腦各半

右末稠糊為錠子如豆大帶扁些及作藥線隨瘡大小深淺長短臨時裁度先以拔毒膏點破次以藥錠放在瘡口膏藥貼上三日一換藥待肉腐之時藥線插入瘡口膏藥貼上直候腐肉去盡為度

三才絳雲錠子 治瘰癧痔漏六癰惡瘡

天才 初開瘡口緊峻之藥

白礬煨伍錢 雄黃叁錢 信石生 硃砂生

朱砂各貳錢 膽礬生 乳香 沒藥各壹錢半

麝香 片腦各少許

地才 次去死肉緊緩之藥

白礬煨伍錢 雄黃叁錢 信石煨過 朱砂各貳錢

硃砂生 膽礬生 乳香 沒藥各壹錢半

兒茶 血竭 輕粉各伍分 麝香

片腦各少許

百了 德聖 小科三 七

工部
人木
又次生新肌去瘀肉緩慢之藥

白礬錢伍雄黃參錢赤石脂煨兒茶

硃砂各貳錢硃砂水煮乾膽礬煨乳香

沒藥 輕粉 血竭各壹錢半麝香

片腦各少許

右末用秫米糊為錠子如豆大帶扁些陰乾又作藥線如麻黃樣先用鐵確膏點癰頭令黑次經此錠膏藥貼上三日一換藥腐肉不盡出者可更用下品錠子及針頭散取盡腐肉止有膿汁不乾者用生肌乾膿散摻瘡口膏藥貼上如要生肌速用

生肌散摻瘡口上膏藥貼之

碧玉錠子 治瘰癧惡瘡

銅青參錢膽礬生白礬煨白丁香

信石煨硃砂生雄黃 朱砂

乳香 沒藥 輕粉各壹錢麝香

片腦各少許

右末稠糊為錠子如豆大帶扁些及作藥線陰乾先用拔毒膏點破瘡口上貼膏藥直至腐肉去盡只貼膏藥以肉生滿為度

有一老媪亦治此證索重價始肯醫治其方法乃是

外科 卷之三 九十五

下品錠子維瘡內以膏藥貼之其根自腐未盡再用去盡更搽生肌藥數日即愈人多異之予見其治氣血不虛者果驗若氣血虛者雖潰亦不愈

餅項後側少陽經中疔瘡不辨肉色不問大小及月日深遠或有赤硬腫痛用

生山藥 壹塊去皮 草麻子 壹粒

右研勻攤貼之如神丹溪云山藥補陽氣生者能湊之留而不去其病為實非腫硬之謂乎固其氣則留滯自不容不行

清涼散餅

山慈菇 生用 良薑 等分

右俱搗為餅去汁罨之能散去寒熱或以山慈菇磨調酒服大妙此藥大能散癰如神

香附餅 治癰癧腫核或風寒襲於經絡結腫或痛

香附子 不拘多少

右末酒和為餅覆患處以熱熨斗熨之未成者內消已成者自潰若風寒濕毒用薑汁作餅

治癰癧不問有頭無頭者

右用大蜘蛛伍箇曬乾細研酥調如面脂日二度傳之蜘蛛用屋簷頭結網者其他不可用

入方 用黃頰魚破開入草麻子貳叁拾粒在肚內

頁下 癰癧 小斗三 二六

以綿纏定於厠坑內放冬三月春秋二月夏一月
取出洗淨用黃泥固濟文武火煨帶性爛研為末
香油調傅及治癩瘡

膏荔枝膏 治癩癧

荔枝肉壹兩 麝香 白豆蔻

川芎 砂仁各等錢 硃砂 龍骨

血竭 乳香各壹錢 全蠍伍枚

右將荔枝肉搗爛軟米飯和為膏看瘡大小攤貼
如有三五箇者止去點為頭者妙

琥珀膏治頸項癭癧初發如梅子腫結硬強漸若連
珠或穿穴膿潰肌汗不絕經久不瘥漸成癭疾並
皆治之

琥珀壹兩 丁香 木香各叁分 桂心半兩

硃砂 白芷 當歸 木鼈子去殼

防風去蘆 木通各半兩 黃丹柒兩 垂柳枝叁兩

松脂貳兩 麻油壹斤

右除琥珀丁香桂心硃砂木香為細末餘藥細剉
以油浸一宿入鍋中以慢火煎候白芷焦黃漉出
次下松脂末濾去滓再澄清油却入鍋中慢火熬
下黃丹以柳木篋不住手攪令黑色滴水中成珠

不散看軟硬得所入琥珀等末攪勻磁器盛用時
看大小用火焙紙上勻攤貼

蜂房膏 治熱毒氣毒結成癰癤

露蜂房 炙 蛇蛻 炙 玄參 蛇床子

黃芪 對各 叁分 杏仁 壹兩 半 亂髮 雞子 許 鉛丹

蠟 各貳 兩

右先將前五味剉細綿裹用酒少許浸一宿勿令
酒多用油半斤內杏仁亂髮煎十五沸待髮消盡
卽綿濾更下蠟中然後下丹蠟又煎五七沸卽瀉
出於磁盆中盛取貼瘡上一日一換

鐵筒拔毒膏 治癰疽癰毒癩癧六瘤疔瘡頑癬痔

漏痔癩惡瘡腫瘍一切惡肉惡核等毒已成者點
破膿腐卽去未成者自然消散其毒雖不能全消
亦得以殺其毒也

蕎麥楷灰 桑柴灰 礪石灰 各叁 碗 真炭灰 壹 盞

右將四灰和勻用酒漏壹個將棕帕塞住竅用水
叁拾碗熬滾淋灰汁將汁復熬滾復淋過取淨藥
力慢火入磁罐煎熬以紙數重固口熬至壹碗爲
度乘滾入礪石灰末攪勻如糊之樣入黃丹取如
微紅之色密封固罐口候冷次日將厚實磁罐收

貯密塞其口每用少許塗毒頂之上即時咬破不
黑又點以黑為度如藥乾以唾調塗如要急用只
將燒大柴灰九碗石灰三碗林灰汁熬濃汁如前
製用更有枯瘤膏十陳膏治法並同
黑虎膏 治療癰諸瘡神效

大黃 黃連 黃芩 黃檗

當歸各壹兩 木鼈子伍錢 穿山甲叁錢 亂髮壹九

蛇蛻壹條 麻油壹斤 黃丹水飛炒搗兩無真酌

乳香壹兩 沒藥伍錢 阿魏壹錢半

右將前九味剉碎入油浸五七日前煎熬微黑濾去

查入黃丹慢火熬成膏候冷入乳香沒藥阿魏末攪勻油紙攤貼

十香膏 治五發惡瘡結核癰癧疔瘻疽痔

沉香各壹錢 麝香各壹錢 木香 丁香

乳香 甘松 白芷 安息香

藿香 零陵香各伍錢 當歸

川芎 黃芪 木通 芍藥

細辛 升麻 白欽 獨活

川椒 藁本 菖蒲 厚朴

商陸根 木鼈子 官桂各貳錢 桃仁

柏子仁 松子仁 杏仁各伍錢 槐枝

桑枝 柳枝 松枝各貳兩 沒藥

輕粉 雄黃 硃砂 雲母石

生犀角 亂髮灰 白礬灰各貳兩另研如粉

真酥 羊腎脂 豬脂各貳兩 黃丹壹斤

清芝麻油叁斤

右先用木炭火煉油香熟下一十六味剉碎藥并四枝四仁熬至紫黑色出火濾去粗入酥脂煎十餘沸再以新綿濾過油澄清拭鑑令淨再入火上煎油沸下丹用濕柳枝作筥子不住攪熬一日滴

在水中成珠不散則成也離火入十味藥末攪勻再上火入雲母等粉八味輕煎令沸出火不住攪一食時於磁盒內密封收每用量瘡口大小緋帛上攤貼之腸胃癰疽可作丸如梧桐子大每服柒丸空心溫酒送下

又方治濕癩已破核不腐致瘡口不斂或貼琥珀膏不應時效針頭散傳之以去腐肉以如神散傳之更服益氣養榮湯若氣血虛者先服益氣養榮湯待氣血稍充方用針頭散仍服前湯

治瘰癧 右先於瘡上灸三壯然後用藥潰作瘡

口用新活鱧魚截長一指大批開就掩在瘡口上
少時覺瘡內痒急揭起魚覷魚上有細蟲如馬尾
一節蟲出如捲三五次取盡蟲子後用歛瘡口藥
龍腦 乳香各壹字麝香 粉霜
雄黃 輕粉各半錢
右為細末水糊為丸如小麥大每用壹丸兩丸經
在瘡口內覺腫痛是効

洗方拔毒湯 治瘰癧百雜瘡腫悉能內消

防風 荆芥 羌活 獨活
細辛 藁本 川芎 白芷

大黃 苦參 當歸 赤芍藥

威靈仙 玄參 何首烏 黃蘗

甘草 蜂房 甘松 藿香

蒼朮 石菖蒲 零陵香 枸杞子

右蔥白川椒煎水熱洗又用綿布二帖煮熱蒸熨
靈樞寒熱篇黃帝曰寒熱瘰癧在於頸腋者皆何氣
使然岐伯曰此皆鼠瘻寒熱之毒氣也留於脉而不
去者也鼠瘻之本皆在於臟其末上出於頸腋之間
其浮於脉中而未內着於肌肉而外為膿血者易去
也黃帝曰去之柰何岐伯曰請從其本引其末可使

衰去而絕其寒熱審按其道以予之徐往徐來以去之其小如麥者一刺知三刺而已

右經一章皆從經脈取臟腑之本以治療癰之本也其末出於耳下或耳後下頸至肩上或入缺盆中者當於手足少陽經取之或針或灸如後穴

扁癰癰天井

肩井

撮癰癰天井

半寸灸

東腋腫馬刀挾癰善自齒舌頰天牖中腫寒熱

臨泣

丘墟

各壹分灸

太衝

壹分灸

腋項腫

天池

順皮叁分灸

如頷腫加後谿

貳分灸

腋下

腫馬刀挾癰喉痺

陽輔

伍分灸

申脈

壹分灸

甲胸中滿腋下腫馬刀瘦善自齒舌頰天牖中腫淫

灤脛痠頭眩枕骨頰痛目澀身痺洒淅振寒季脇

支滿寒熱脇腰腹膝外臙痛臨泣主之馬刀腫癰

淵腋章門支溝主之

出於頰下或至頰車者當於

手足陽明經取之或針或灸如後穴

三里

足陽

合谷

手陽

丹搗生商陸根作餅子置於癰癰上艾炷灸餅子上

乾即易之灸三四餅

世當癰上貼肉灸十四壯神効

東癰癰馬刀將先出一瘡用四楞鐵環定住不令出

移破作口子以油紙撚縫之勿令合了以絕其瘡之源其効至速如瘡不破或病人不肯破更以藥塗之三日一易之以龍泉散主之

方見前

肩尖肘尖二穴圖



此穴治療癰之秘法蓋癰癰屬肝膽二經故患在耳前後項腋之間男子多因恚怒虧損肝經之血陰火內作或不慎起居耗損腎水不能生肝血婦女多因恚怒傷肝火動血燥或鬱結傷脾火動血耗或患於胸孔間亦屬前經此證若因恚怒傷肝氣血壅遏而不愈者宜灸此穴疎通經絡若因久鬱怒元氣虧損而不愈當推其所屬而調補化源如取其穴當以指甲搯兩肘兩肩四所患處覺酸麻方是其次又方灸癰癰未成膿者用大蒜切片如三錢厚安患處用艾壯於蒜上灸之至三五壯換蒜每日灸十

數蒜片以拔毒如破久不合內有核或瘀肉此因血氣不足不能腐爛以銅錢挺輕輕連衣膜取去縱取重亦不痛不必畏懼更用江西豆豉為末唾津和為餅如前灸之以助陽氣內服補藥外貼琥珀膏或太乙膏瘡口自合

靈樞黃帝曰決其生死柰何岐伯曰反其目視之其
中有赤脉上下貫瞳子見一脈一歲死見一脈半一
歲半死見二脈二歲死見二脈半二歲半死見三脈
三歲而死見赤脉不下貫瞳子可治也 肺脉微瀼
為鼠癩在頸支腋之間下不勝其上其應善瘰

八肩部 六

○肩疽

靈樞云發於肩及臑名曰疵癰其狀赤黑急治之此
令人汗出至足不害五臟癰發四五日逆熇之 鬼
遺云丁疽發兩肩惡血留結內外榮衛不通發成疔
疽五日腫大令人口噤寒戰十二日可刺不治二十
日死 陳乾疽腫發起兩肩及兩大臂連胛骨二七
日痛不息亦不可動五十日身熱不赤六十日可刺
刺之無血者死 或問肩上生疽何如曰此處手足
三陽交會之所名曰肩疽由風熱鬱結所致或因負

重損傷而作服烏金散勝金丹活命飲加柴胡桔梗
壯實者一粒金丹下之老弱者十全大補湯托之

○肩胛疽

或問肩胛內痛漸至潰爛成瘡何如曰此名太陰疽
卽蓮子發屬手太陰肺經積熱所致宜活命飲加桔
梗黃芪奪命丹勝金丹黃芪木香散選用壯實者八
陣散一粒金丹下之赤色者可治青黑者不治喘嗽
大渴曾滿脈微者死

○左右串

或問左右搭串何如曰左肩骨上生疽串於右者可

治右肩骨上生疽串於左者難治古有此說愚謂不
然攻注左右者氣血不調陰陽交錯也宜勝金丹活
命飲加羌活桔梗壯實者八陣散一粒金丹下之七
惡證少何慮難痊元氣虛憊治之何補哉

○缺盆疽

或問一人年六十肩前陷中生疽寒熱大作飲食少
進肩背拘急小水不利胸腹膨脹何如曰是名缺盆
疽又名鎖骨疽屬足陽明胃經手少陽三焦經宜隔
蒜灸先服紫金丹奪命丹而惡證退惟苦小水不利
投以六一散而利後服十全大補湯而安若治之稍

緩必致潰爛是經少血多氣瘡口不合危篤者多矣

○肩後疽

或問肩膊後骨上生疽何如曰此名上鼠疽卽上搭也怒氣積鬱所致屬太陽兼少陽經初覺宜隔蒜灸活命飲加羌活枯梗柴胡勝金丹紫金丹奪命丹選用既潰十全大補湯黃芪木香散人參養榮湯

○過肩疽

或問肩後夾脊兩邊腫硬疼痛何如曰此名筋疽亦名過肩疽初得寒熱似瘧但腫硬無頭急隔蒜灸服活命飲加羌活勝金丹奪命丹汗之壯實者一粒金

丹萬病解毒丹選用

○瘰癧

或問項腋兩乳旁結核或兩胯軟肉處生腫塊何如曰是名瘰癧屬手少陽三焦經其發緩慢是冷證非熱證也宜用回陽玉龍膏熱藥敷貼服內補十宣散何首烏散勝金丹選用

○腋發

靈樞云發于腋下赤堅者名曰米疽治之以硃石欲細而長踈砭之塗以豕膏六日已勿裹之其癰堅而不潰者爲馬刀挾瘦急治之 鬼遺云內疚疽發兩

腋下及臂并兩手掌中振寒熱血益乾飲多即嘔煩
心悁悁脉盛六七八日診如此可汗不汗死

○夾肢癱

或問肩膊下隙内生疽何如曰是名夾肢癱屈手少
陰心經手厥陰心包絡風熱所致宜服內托黃芪柴
胡湯壯實者八陣散一粒金丹下之及紫金丹勝金
丹選用老弱者黃芪木香散人參養榮湯十全大補
湯主之

八臂部 七

○臂癱

鬼遺云垂臂兩處發接骨下臂鶩上起如雞鴨卵大
皆由榮衛不調所為也喜患實處而不透內亦宜急
消或發穴早療 兩臂肘起在接骨下引手至小骨
之上發癱瘡此處雖實柰連大小筋骨舉動不便垂
手多墜疼如膿深沉徹骨即傷筋脉拳縮不舒搗撮
宜急以緩慢筋脉藥餌治之 玄機云在臂外為癱
在臂內為魚肚發在臂上節腫連肩髃為臂風毒宜
活命飲加羌活獨活桂枝桔梗水酒各半煎服及奪

命丹紫金丹勝金丹選用壯實有裏證者一粒金丹
八陣散下之若漫腫無頭服敗毒之藥不能消者宜
十全大補湯加桂枝桔梗托之有嘔吐而數日不食
者潰出膿則愈

論一人年將六十五月患右臂膊腫盛上至肩下
至手指色變皮膚涼六脉沉細而微此脉證俱寒乃
附骨癰也開發已遲以燔針啓之膿清稀解次日肘
下再開之加吃逆不絕與丁香柿蒂散兩服稍緩次
日吃逆尤甚自利臍腹冷痛腹滿食減時發昏憤炎
左乳下黑盡處二七壯又處托裡温中湯一兩半與

服或曰諸痛瘡瘍皆屬心火又時當盛暑而用薑附
可乎予曰經云脉細皮寒瀉利前後飲食不入是爲
五虚况吃逆胃中虚寒此證内外相反須當捨時從
證遂投之諸證悉去飲食倍進瘡勢温膿色正復用

五香湯數服月餘而愈機按此證多屬虚寒此方專
用辛熱以治其寒不用參朮
以補其虚盖因吃逆腹滿乃氣鬱滯也想必其人
年雖老脉證雖虚而形體頗實非陰虚吃逆比

一禪使臂腫一塊不痛不赤脉弱懶食時嘔以六君
子加藿香酒炒芍藥嘔止食進再以八珍湯二十餘
劑膿成刺之又以十全大補湯而愈次年傷寒後臂
復腫微痛乃傷寒餘毒也然無表證但虚弱耳先用

十宣散四劑取參芪芩歸扶助元氣防風桔梗白芷
厚朴行散腫結肉桂引經破血腫退三四再用八珍
湯膿潰而愈至冬臂復作痛因服祛風藥反筋攣痛
甚此血虛不能養筋筋虛不能束骨用加味十全大
補湯百貼而愈 一女臂患腫潰久不斂寒熱交作
五心煩熱飲食少思月水不通以逍遙散月餘少可
更服八珍湯加丹皮香附又月餘經通再加黃芪白
斂兩月餘而愈 一人臂腫患毒作痛服寒涼藥食
少大便不實予用理中丸二服更以六君子加砂仁
藿香再以托裏膿潰而愈 凡瘡痛甚者若稟厚有

近五十左膊外側紅腫如粟予曰勿輕視得獨參湯
數斤乃佳數貼而止旬餘值大風拔木瘡上起一紅
線繞背抵右肋與大料人參湯加芩朮補劑兩月而
安 一婦臂痛筋攣不能屈伸遇寒則劇脉緊細此
良甫所謂肝氣虛為風寒流于血脉經絡搏于筋筋
不榮則乾急為痛先用舒筋湯次用四物湯加牡丹
皮澤蘭白朮而愈亦有臂痛不能舉或轉左右作痛
由中腕伏痰脾氣滯不行宜茯苓丸或控涎丹治之
一人手臂結核如粟延至頸項狀似癩癧此風濕
流注用加减小續命湯及獨活寄生湯更以托裡藥

倍加參芪歸朮百貼而愈機按此條有證無脈認作風濕流注而治當時必有

所見也後用補劑百貼而愈是終不離于虛也一兒三歲臂患毒瘰癧痛服

解毒丸搽神功散而消此條證脈不詳當時必有所見嘗治臂毒便

閉煩躁服五福化毒丹亦效若膿成急刺附紙擦醮

麻油絛瘡內以膏藥貼之若兒安靜不必服藥候有

膿取去仍用絛貼一人臂患疽脈數飲槐花酒一

服勢頓退再與金銀花黃芪甘草十餘服而平槐花治濕

熱之功最為神速胃寒不宜過劑尹老家貧形志皆苦自幼癩疔

孟冬于手陽明大腸經分出癰第四日稠膿臂外皆

腫痛在手陽明左右經中其脈俱弦按之洪緩有力

此得自八風之變以脈斷之邪氣在表飲食如常大

小便如故腹中和口知味知不在裏也不惡風寒只

熱躁脈不浮知不在表也表裏既和邪在經脈之中

故曰凝于血脈為癰是也癰出身半已上故風從上

受因知為八風之變而瘡只在經脈之中法當却寒

調和經脈中血氣使無疑滯可愈矣宜以白芷升麻

湯機按此方舉一身而言故陽明為一身之中若以各經言之而陽明亦自有表裏中三等之劑太陽

亦有表裏之中之方餘經皆可以類推也一人年踰三十臂患癰潰而

不痛膿稀脈弱丹溪曰疽潰深而不痛者胃氣大虛

不知痛也東垣曰膿水清稀瘡口不合氣血俱虛也

理宜大補彼不聽服消毒藥氣血愈虛遂不救 丹
 溪曰纔見腫痛叅之脉證倘有虛弱便與滋補氣血
 可保終吉又曰潰瘍內外皆虛補接為主茲則見善
 不從自用已智寧免死乎 一人年逾四十臂患毒
 焮痛作嘔服托裏消毒藥愈盛予用涼膈散二劑頓
 退更以四物湯加芩連四劑而消 機按此所謂腫瘍
熱毒攻心而作嘔
 也 一人兩臂腫痛服托裏藥日盛予謂腫屬濕痛
 屬火此濕熱流注經絡也用人參敗毒散加威靈仙
 酒炒黃芩南星數劑漸愈更以四物湯加蒼朮黃檗
 桔梗二十餘劑而消 按此托裏藥日盛
故改作濕熱治也 一尚書左

火宜苦寒藥若稟薄者宜補中益氣湯加芩連之類
 在下加黃檗人肥加荆防獨羌之類取其風能勝濕
 也 一婦左臂臆經部分結腫一塊年許不潰堅硬
 不痛肉色不變脉弱少食月水過期日晡發熱遇勞
 或怒則痛此不足證也與參耆歸朮芩芍藥貝母
 遠志香附桔梗丹皮甘草百餘貼而消 一人臂患
 漏口乾發熱喜膿不清稀脉來遲緩灸以豆豉餅服
 八珍湯加麥門五味軟柴胡地骨皮三月餘而愈後
 因房勞復潰膿清脉大辭不治果效 河間曰因病
 致虛為輕蓋病勢尚淺元氣未虛也若病初愈或飲

食勞倦房室加至羸損此因虛致損則為重病勢已過元氣已索故也 一兒臂患痘毒作炒按之復起此膿脹痛也刺之以托裏藥愈 一婦臂結一塊已潰不斂灸以豆豉餅更服托裏藥而愈 一人年踰三十素怯弱不能食冷臂患一毒脉虛弱予以托裏藥而消但飲食少思或作脹或吞酸日漸羸瘦參苓等藥不應右尺脉弱此命門火衰不能生土遂以八味丸補土之原飲食漸進而愈 一媪左臂結核年餘方潰膿清不斂以十全大補湯外用附子餅灸及貼補藥膏調護得宜百貼而愈 一人多慮神勞年

臂肘患一紫泡根畔腫赤大腸脉花予謂花主失血或積血公曰血痢未瘳以芍藥湯二劑更以人參敗毒散二劑瘳痢並愈 機按用芍藥湯以治血痢用敗毒散以治紫泡但所錄脉證未甚詳悉觀其治法多屬血熱而近實也

白芷升麻湯 治臂上生癰

白芷 壹錢

升麻

桔梗 各壹錢

酒黃芩 肆錢

生黃芩 叁錢

紅花

甘草 各半錢

右作一服水貳鍾酒半鍾煎至捌分食後服

○肘癰 俗名病藕節

肘之內生癰屬三陰經乃心肺胞絡鬱火引經黃連
升麻柴胡肘之外生癰屬三陽經乃胃大小腸積毒
引經藜蘆升麻柴胡並用黃連消毒飲活命飲或烏
金散紫金丹勝金丹玉樞丹選用壯實有裏證者一
粒金丹八陣散下之老弱者黃芪木香散十全大補
湯千金內托散托之

芙蓉膏 治手臂腕臍肘掌等處結毒焮赤腫痛

山布瓜 根 芙蓉葉 紫金皮

凌霄根 皮 天南星 天布瓜

雞屎根 取皮 背子蜈蚣

右砍爛入些醋溫塗敷患處

赤葛膏 治病藕節及臂臍腕掌等處結毒

赤葛根皮 山布瓜根 山蘇木

山樟根皮 紫金皮 赤牛膝

赤芍根 赤毛桃根

右用皮砍爛糟炒敷塗患處

敷病肌石輪藥

山樟子葉

右砍爛糟炒縛之又用根煎酒服之

○臍癰 俗名病藕包

臍臂表裏俱腫痛赤色惟肘節處差小故名藕包以
內外分陰陽俱如上法

泥油膏 治病藕包

塘泥 壹分

桐油 叁分

右和勻以鴨毛掃時時塗勿令乾

二瓜散 治病藕包

山布瓜根

天布瓜根

右砍爛入米醋少許和煖塗之

或問手臂陽明經分生癰初如粟米漸大如赤豆痛
不可忍旬日大如胡桃枯紫色何如曰此名骨蠹疔

若毒遊遍身拘急發搐嘔噦不食冷汗自出滑泄煩
躁脉亂者死犯房勞怒氣者死一人患此證一月之
後遍身攻串口吐黃水穢氣滿室既而嘔吐膿血旬
日而亡其人三四日前尚進飲食人與沐浴扶起皮
肉俱爛患者不信醫者不識以致隕身此由七情不
和積怒積憂積熱所致真元虛敗不能勝邪故也縱
有九丹天命而已惟智者防患於未然急服黃蓮消
毒散勝金丹烏金散活命飲加羌活選用治之稍緩
七惡證多者必死也 按此證發之暴死之速乃陰
虛極而火獨光之故前藥不滋化源而揚湯止沸其

能濟乎

存乎其天命而可謂醫者則患於未然者亦未可
味其然者則其示以法則其示以法則其示以法則
肉其體患皆不計習者不端以疑則其示以法則
日而古其入三四日前尚能治身入與未谷其示以
發其良效也其示以法則其示以法則其示以法則
藥神醫者其示以法則其示以法則其示以法則
其毒甚盛良則其示以法則其示以法則其示以法則

手部

○手發背

俗名蜘蛛背

鬼遺云兩手背發癰疽初生如水刺無頭腦頑然滿
手背腫滿後聚毒成瘡深入至骨而為發手背此屬
五種皆發毒之類也 手背腫毒乃三陽經風熱鬱
滯而發宜服活命飲加芩連山梔桔梗升麻寒加桂
枝熱加薑黃水酒煎服有表證者紫金丹烏金散奪
命丹汗之有裏證者一粒金丹八陣散下之老弱者
宜大補之劑

柿根膏 治蜘蛛背

手部

外科三

百十三

紫背草

狐柿子根皮

右砍爛糟炒縛之又方加岩松子或單用亦可

○手心毒

手心結毒焮赤腫痛俗名病穿掌又名穿窟天蛇又名貧子孟若偏於掌邊者名穿邊天蛇又名穿埂天蛇此手厥陰心胞絡積熱所致初宜隔蒜灸之以泄其毒服活命飲加桂枝薑黃實者量表裏為汗下於紫金丹奪命丹烏金散一粒金丹選用既潰參芪大劑補之

蜈蚣散 治病穿掌

穿山蜈蚣

花心蜈蚣

背子蜈蚣

山蘇木

飛天蜈蚣

金頭蜈蚣

酒罈子根

赤牛膝

臭不待根

紫背草

紫金藤

右酒煎服不飲酒人水煎入少酒和服又用過路蜈蚣溪女葉煎水浸洗

又方

穿山蜈蚣

雞屎子

金腦香

紫金藤

右水煎入酒和服

敷穿掌穿板藥

手部

小三

五

仙人掌根

雞屎根皮

赤葛根皮

葛合根

山布瓜根

背子蜈蚣

山樟根皮

赤牛膝

落鴉鎗根

天布瓜根

山枇杷根皮

紫河車

紫金皮

右搗爛入醋少許和塗患處

又方

仙人掌根磨米醋煖塗傳又用藜蘆子煎醋薰又用零香子煎水浸洗

浸洗方

石楠藤

赤牛膝

赤麻蕒

八角茴香

赤薺子

九節香

豬屎蘇

穿山蜈蚣

鉄菱角

含笑葉

鉄梗子

落鴉鎗

山蓼葉

右煎水善蒸浸淋洗之

潰爛者用搽末

舊飯管燒存性為末相油掃患處次搽末或用生

肌散亦大効

飯管要用農家者取其日日貯飯

藏氣者効

○虎口疽

虎口結毒焮赤腫痛名合谷疽又名丫刺毒又名孽

蟹毒又名手又發又名病蟹又此手陽明大腸經風熱積毒之所致也初覺宜隔蒜灸之服活命飲加桂枝薑黃桔梗升麻水酒煎服壯實者量表裏為汗下老弱者十全大補湯十宣散托裏散中選用 五指

又處結毒焮腫者俗名鴉又

草靈散 治病蠊又 解又名解草又名穢 右砍爛酒炒縛之

又方 山馬稍根皮砍爛糟炒縛之

又方 宿地薤白根葉砍爛酒炒縛之

又方 楸子葉砍爛糟炒縛之又以小葉淨瓶子煎

水熏洗亦効

又方 碌碡草葉砍爛酒炒縛之又以梗煎水浸洗

落鴉鎗散 治鴉又

落鴉鎗 大金錢 羊蹄菜

水楊柳根 右砍爛糟炒縛之

又方

落鴉鎗 紫金皮 山布瓜根

天布瓜根 右砍爛糟炒縛之

又方 落鴉鎗根搗爛糟炒縛之

又方 落鴉鎗根天布瓜根砍爛糟炒縛之

又方 落鴉鎗根天布瓜根砍爛糟炒縛之

○腕癰

手屈之處結毒焮赤為手屈發俗名手牛押屈此手
三陰經風熱聚毒之所致也治法同前 一人年四
十手腕生疽面目手臂俱浮腫飲食全不進者七日
矣惟飲水數升神思昏憤小水不利時值盛夏穢氣
逼人惡證疊見不應用藥姑以玉樞丹加蟾酥塗之
出蛆合許膿升許惡證悉退補養而痊
紫金牛膝散 治手半押屈及脚上一切腫毒堆核
焮痛者

紫金皮

赤葛根皮

赤毛桃根

山布瓜根

赤牛膝

魚桐根皮

天布瓜根

落鴉鎗根

右砍爛糟炒執縛患處

又方

魚桐皮根

落鴉鎗根

紫金皮

右砍爛糟炒縛之

又方

落鴉鎗

葛合根

馬藍草

天布瓜

山蘇木

紫金皮

赤毛桃

赤牛膝

芙蓉葉

山布瓜

赤葛根

魚桐根

李子根

右搗爛糟炒縛之久不退加山樟子葉及根皮

○手大指疽

手大指頭發小點如粟漸大如豆或如桃李或青或紫乍黃乍黑乍白或痒或麻木不痛或大痛徹心此名調疽屬手太陰肺經積毒毒盛者宜截去之四日刺得血膿者生得黑血者死急服烏金散紫金丹汗之壯實者一粒金丹下之毒氣攻心嘔吐不食膨脹者死齒縫出血者死一人患此色黑不痛其指已

死令斬去之速服補藥恐黑上臂不治彼不信另服敗毒藥手竟黑遂不救

○天蛇頭

手中指頭結毒焮赤腫痛或不拘何指名天蛇頭若有膿

裂開有口唇如蛇頭狀是以名焉屬手厥陰心包絡積熱所致宜服活命飲加柴胡羌活桔梗黃連消毒飲紫金丹烏金散選用雖黑色頑麻潰爛脫指者亦不死

丹溪云蒲公英草清明時節如薺菜狀中開一朶花如菊花者取乾與蒼耳艸二味等分為末以好醋濃

毒

煎浸洗即愈

蒲公英忍冬酒治天蛇頭極效累驗見乳癰

世治天蛇頭蒲公英搗細水和調去查服之又搗查
盒患處累效

治天蛇頭用 野落蘇即兼絲子 金銀花藤 天蕎麥

右細切用好米醋濃煎先薰後洗

又方用人糞雜黃泥搗之裹在患處即愈

拔毒散 治毒瘡生於手指赤腫堅硬俗呼為發指

微骨疼痛不可忍

乳香少許研 泥蜂巢壁間採研

右為末用醪醋調塗乾則以醋潤之痛立止

治惡指諺云天蛇頭

蜈蚣壹條火上燒 右以烟熏病指一二次即安

治蛇消腫散 治蛇咬及蛇節疔蛇腹疔蛇頭疔蛇

背疔等證

蛇頭瓜 天菰藤 木虱藥

仙人薯 土木香 紫金藤

大小青 右搗酒溫服以查敷之

除瘡消痛散 治蛇頭子及一切蝮蛇瘡

紫金藤又名開心草 右搗酒服之以查敷患處大效

手部 小斗三

又方 金腦香葉搗酒服以香敷之

又方 蛇頭瓜草又名赤田黃又名一麻二麻有一箇根即一麻有二箇根名二麻

右砍爛酒炒縛之

又方 紫金鍾 六月雪 二味砍爛糟炒縛之

又方 溪汝子葉 過路蜈蚣 砍爛糟炒縛之如

痛不止用雄黃末燒烟熏之不拘已成未成即尅取効或加蜈蚣等分亦炒

又方 紫金鍾 到金鍾 野芋子 香附子

右砍爛糟炒縛之

又方 井邊羊苣子砍爛糟炒縛之

又方 山布瓜根磨醋刷以赤梗蜈蚣過路蜈蚣穿

山蜈蚣飛天蜈蚣煎水薰洗亦効

又方 獨龍鬚根即大葉白櫚根 砍爛糟炒敷之

地篇蓄散 治病 蛇頭子

耳環尻又名琉璃草又名花管草又名各地篇蓄

右搗酒服又以砍爛酒炒縛之

敷毒方 治蛇頭子一切蝮蛇瘡

地篇蓄 金腦香 紫河車

飛大蜈蚣 紫蜈蚣 金鳳尾

金雞舌 右砍爛酒炒縛之

又方 地蜈蚣葉 溪汝樹葉 砍爛冷縛之

又方 飛天蜈蚣葉 砍爛冷縛之

又方 金腦香葉 又名社茶 砍爛冷縛之

又方 雞卵壹枚開竅傾出以指時數浸之

又方 軟骨草 赤麻蕒 金盞草 耳環尻

右砍爛鹽酒炒縛之

又方 山蓼葉 田麻蕒 地蒴藋 田螺

右搗爛鹽酒炒縛之

又方 山布瓜根 金腦香葉

右搗爛酒炒縛之

浸毒散 治前證並効

毛藤子 石楠藤 鉄菱角

穿山蜈蚣 背子蜈蚣 赤麻蕒

金腦香 梭婆子根 飛天蜈蚣

赤梗過路蜈蚣

右煎水入此醋和煖浸洗

治蛇頭瘡 其形生時在手足上瘡傍一塊開如蛇

口之狀痛而流血不止者此藥治之

雄黃 蜈蚣 全蠍 各壹錢

右為細末看瘡濕劈開入藥擦在瘡上却以小油抹裁帛拴住如乾小油調搽

五指頭生疽名為敦疽係臟腑積熱治不可緩宜內疎黃連湯紫金丹烏金散及一粒金丹下之

○手指節發

手指節結毒焮赤腫痛又名病繭又名蛇節疔又名釘節天蛇又名病蛇節治法與天蛇頭大同小異

金雞舌散 治病繭

金雞舌根磨酒服 或磨半泔半醋煖塗之

又方 落鴉鎗根搗酒煖服以杳敷患處

○代指

代指者先腫焮熱痛色不黯緣爪甲邊結膿劇者爪皆脫落但得一物冷藥汁搗漬之佳爪者筋之餘筋賴血養血熱甚注於指端故指腫熱結聚成膿甚則爪甲脫落此病類於指疽然無蘊毒故色不黯黑雖久亦不殺人 內服方聖濟總錄有漏蘆湯藍花湯中用漏蘆藍花升麻大黃黃芩玄參朴硝既無蘊毒何為用硝黃下藥輕病重治能無過乎故今不取

升麻湯

升麻

甘草 各半兩

手部 外科 百三

右細剉水貳升煎至壹升去滓下芒硝末半兩攪

勻溫浸指上數十遍冷即再煖以差為度 一方
用梔子仁甘草各壹兩 一方單用甘草 一方
單用芒硝 一方單用麻黃 並如上法煎浸

千金治指痛欲脫用豬脂和鹽煮令消熱內指中一
食久住 千金翼和乾薑 一方用醬汁 一方醬

合蜜煎沸稍熱傳日五七上
丹治手指忽腫痛名為代指以烏梅入醋研浸患處

立瘥
治手指腫酸漿水入少鹽熱浸之冷即易

八骨部 九

○井疽

靈樞云發於胸名曰井疽其狀如大豆三四日起不
早治下入腹不治七日死矣 或問心窩生疽何如

曰此證初起如黃痘肉色不變名曰井疽又名穿心
冷瘻若冷氣攻心精神恍惚嘔吐冷痰惡聞食臭毒

氣內陷腹脹滿者不治若心躁如焚肌熱如火不時
盜汗唇焦舌乾黃色渴飲冷水者是正候也急服

命飲加黃連桔梗勝金丹奪命丹汗之壯實者一粒
金丹下之惡證多治稍遲多致顛危宜服犀角解毒

百三 百三

凡

○甘疽

靈樞云發於膺膺胸兩旁名曰甘疽色青其狀如穀實瓜瓞常苦寒熱急治之去其寒熱不急治十日死死後出膿

○臃中疽

或問心窩上兩乳間生疽何如曰此臃中發疽也蓋臃中為氣之海氣所居焉能分布陰陽若臟腑陰陽不和七情不平則發此證宜活命飲加紫蘇薄荷葉汗之奪命丹勝金丹紫金丹選用稍遲則潰爛惡症

多者難治

○脾發疽

或問心窩下旁生疽何如曰此名脾發疽毒由多食煎燂醉飽入房以致毒聚脾經而作活命飲加桔梗升麻紫金丹勝金丹汗之壯實者八陣散下之老弱者十全大補湯稍遲則潰傷脾膜膿如蟹沫者死服藥而嘔飲食不進者死

或問一人年三十胃前肋上堅硬如石者尺許寒熱大作飲食不進徧身疼痛煩躁不寧胃膈填脹何如曰凡在胸及胸之側或是肩前下延及脇形長如蛤

皆為馬刀瘡屬手少陽三焦經足陽明胃經手厥陰
心包絡鬱火怒氣積痰所致宜灸宜汗攻補兼施則
消宜服勝金丹烏金散壯實者一粒金丹下之活命
飲加柴胡過時則潰爛徹骨久而不斂者死未潰而
謔語神昏泄利嘔吐者不治

一夫人性剛多怒胸前作痛肉色不變脈數惡寒經
曰洪數脈應發熱反惡寒瘡疔也今脈洪數則膿已
成但體豐厚故色不變似乎無膿以痛極始肯針入
數寸膿數碗以清肝消毒藥治之而
不用針無可救之理 一人年踰四
倉成漏

日出膿碗許喜飲食如常用十全大補湯加遠志貝
母白斂續斷灸以附子餅膿漸少調護歲餘而愈
一少婦胸膈間潰一窠膿血與口中所欬相應而出
以參芪當歸加退熱排膿等藥而愈或曰此因肺痿
所致 一人胸腫一塊半載不消令灸百壯方潰服
大補藥不斂灸附子餅而愈 一百戶胸患毒腫高
焮赤發熱脈數大小便澁飲食如常齊氏曰腫起色
赤寒熱疼痛皮膚壯熱頭目昏重氣血實也又曰大
小便澁飲食如故腸滿膨脹胸膈痞悶肢節疼痛身
熱脈大精神昏塞臟腑實也進黃連肉疎湯二劑諸

醫部全錄 卷之三十三 疔毒 疔毒 疔毒

證悉退更以荆防敗毒散加黃芩山梔四料稍愈再
以四物加芩連白芷桔梗甘草金銀花數劑而消機
此項治法雖因脈證皆實而用泄法然泄法又有先
後次序先攻裏後發表最後又用和解前賢治病不
肯猛浪如此學者
可不以此為法哉

○乳癰乳巖

丹溪乳房陽明所經乳頭厥陰所屬乳子之母不知
調養怒忿所逆鬱悶所遏厚味所釀以致厥陰之氣
不行故竅不通而汁不得出陽明之血沸騰故熱甚
而化膿亦有所乳之子膈有滯痰口氣焮熱含乳而
睡熱氣所吹遂生結核於初起時便須忍痛揉令稍

軟吮令汁透自可消散失此不治必成癰疔治法踈
厥陰之滯以青皮清陽明之熱細研石膏行汚濁之
血以生甘草節消腫導毒以瓜蒌實或加沒藥青橘
葉皂角針金銀花當歸頭或湯或散加減隨意消息
然須以少酒佐之若加以艾火兩三壯於腫處其効
尤捷彼村工喜於自銜便妄用針刀引惹拙病良可
哀憫若夫不得於夫不得於舅姑憂怒鬱遏時日積
累脾氣消沮肝氣橫逆遂成隱核如鼈棋子不痛不
痒十數年後方為瘡陷名曰妬巖以其瘡形嵌凹似
巖穴也不可治矣若於始生之際便能消釋病根使

心清神安然後施之治法亦有可安之理予族姪婦年十八歲時曾得此察其形脉稍實但性急躁伉儷自諧所難者後姑耳遂以單方青皮湯開以加減四物湯行經絡之劑兩月而安此病多因厚味濕熱之痰停蓄膈間與滯乳相搏而成又有滯乳因兒口氣吹噓而成又有拗怒氣激滯而生者煨石膏燒樺皮瓜蒌實甘草節青皮皆神效藥也婦人此病若早治之便可立消有月經時悉是輕病五六十後無月經時不可輕易看也薛男子房勞恚怒傷於肝腎婦人胎產憂鬱損於肝脾若焮痛寒熱當發散表邪

腫焮痛甚當清肝消毒並宜隔蒜灸不作膿或膿成不潰托裏散為主不收斂或膿清稀補脾胃為主若膿出反痛或作寒熱氣血虛也十全大補湯體倦口乾中氣虛也補中益氣湯肺熱內熱陰血虛也八珍湯加五味子欲嘔作嘔胃氣虛也香砂六君子湯食少作嘔胃氣虛寒也前湯加藿香食少泄瀉脾氣虛寒也前湯加炮黑乾薑若勞碌腫痛氣血未復也八珍湯倍用參苓歸朮若怒氣腫痛肝火傷血也八珍加柴胡山梔若肝火血虛而結核者四物湯加參朮柴胡升麻若肝脾氣血虛而結核者四君子加芎歸

柴胡升麻鬱結傷脾而結核者歸脾湯無瓜蒌散若
鬱怒傷肝脾而結核不痒不痛者名曰乳岩最難治
療苟能戒七情遠厚味解鬱結養氣血亦可保全
內托升麻湯 治婦人兩乳間出黑頭瘡頂陷下作
黑眼并乳癰初起者亦治

升麻

葛根

連翹

當歸身

黃蘗 各貳錢

黃芪 叁錢

牛蒡子

甘草 各壹錢

肉桂 伍分

右作一服水壹鍾酒半鍾煎至壹鍾食後服

又方 治婦人乳中結核

升麻

連翹

甘草節

青皮

各貳錢

瓜蒌仁

叁錢

右作一服水貳鍾煎至壹鍾食後細細呷之

婦乳

乳癰

青皮

瓜蒌

橘葉

連翹

桃仁 留尖

皂角刺

甘艸節

如破多加參芪

神効瓜蒌散

治乳癰乳巖神効丹溪亦云妙捷恐

貧賤之家未能辦集者用後蒲公英尤妙

瓜蒌

壹枚去皮焙為末
用子多者有力

生甘草

醫部

外科

乳癰

當歸

酒浸焙 各半兩

乳香

另研

沒藥

另研各 貳錢半

右為末用無灰酒參升於銀石器內慢火熬取壹升清汁分作三服食後良久服如有妨礙便服此藥可杜絕病根如毒氣已成能化膿為黃水毒未成即於大小便中通利如疾甚再合服以退為度立効散與此方間服神妙但於瓜萋散方減去當歸加紫色皂角刺壹兩陸錢是也

五物湯

癰疽發背乳癰通用

研壹枚

皂角刺

半燒

沒藥

各半兩

甘艸

各貳錢半

右麓末以醇酒參升煎取貳升時時飲之痛不可忍立止

連翹飲子

治乳癰

連翹

川芎

瓜萋

皂角針

橘葉

青皮

甘草節

桃仁

各貳錢

右作一服用水貳鍾煎至壹鍾食遠服 已破者加參芪當歸未破者加柴胡升麻

清肝解鬱湯 治肝經血虛風熱或肝經鬱火傷血乳內結核或為腫潰不愈凡肝膽經血氣不和之

症皆宜用此藥

人參 去蘆

茯苓

貝母 去心

山梔 炒

熟地黄

芍藥 各壹錢

白朮

當歸 各壹錢

柴胡

川芎

陳皮 各捌分

甘草 伍分

牡丹皮

右水煎服

復元通氣散

治婦人發乳癰疽及一切腫毒

木香

茴香

青皮

穿山甲

酥炙

陳皮

白芷

甘草

漏蘆

貝母 去心黃連製各等分

合為細末每服參錢好酒調下

消毒散

治吹乳乳癰并便毒如增寒壯熱或頭痛

者宜先服人參敗毒散一二服方可服此藥如無

前證即服此藥二三劑或腫不消宜服托裏藥

青皮 去白

金銀花

天花粉

柴胡

僵蠶 炒

貝母

當歸 酒拌

白芷 各貳錢

用水貳鍾煎至壹鍾食遠服如便毒加煨大黃壹

錢空心服

本草蒲公英草味甘平無毒主婦人乳癰腫水煮汁

飲之及封之立消

丹蒲公英在處田間路側有之三四月開黃花似菊味甘解毒散滯意其可入陽明太陰經洗淨細研以忍冬藤濃煎湯入少酒佐之隨手便欲睡睡覺已失之矣

兵部手集方

治疔乳硬欲結膿服此即消

用鹿角於瓮石上磨取白汁塗之乾又塗不得近手并以人啣却黃水一日許即散或用鹿角剉爲極細末酒調貳叁錢服亦効 孕婦忌服

乳癰初發方

貝母爲末每服貳錢溫酒調下即以兩身覆按於卓上垂乳良久自通

時康祖爲廣德宰事張王甚謹後授溫倅左乳生癰繼又胸臆間結核大如拳堅如石荏苒半載百療莫効已而牽掣臂腋徹于肩痛楚特甚亟禱王祠下夢聞語曰若要安但用薑自然汁製香附服之覺呼其子檢本草視之二物治證相符訪醫者亦云有理遂用香附去毛薑汁浸一宿爲末貳錢米飲調方數服瘡膿流出腫硬漸消白是獲愈 一婦人稟實性躁懷抱久鬱左乳內結一核按之微痛以連翹飲子二

十餘劑少退更以八珍加青皮香附桔梗貝母二十餘劑而消

帶乳食痰

張氏橘皮湯 治乳癰未結即散已結即潰極痛不

可忍者神効因小兒吹乳變成斯疾者並皆治之

用陳皮湯浸去白曬乾麩炒微黃為細末麝香研酒調貳錢初發

覺赤腫疼痛一服見効

丹乳癰初發腫硬一服瘥用真樺皮為末酒服方寸匕

睡醒已失出靈苑方

羅勝金丹 治婦人吹乳極有神効用百齒霜即木梳上

髮右一味不拘多少用無根水為丸如梧桐子大每

服參丸倒流水送下食後令病左乳者左卧右乳者

右卧於温處汗出愈用新汲水傾於房上接之乃倒流水也

圖經治婦人妳疼痛不可忍用穿山甲炙木通各壹兩

自然銅半兩生用三味搗細末每服貳錢温酒調下無時

簡易獨聖散 治婦人吹妳

白丁香半兩搗羅為末每服壹錢七温酒調服無時

雲岐治婦人吹乳皂角散歌曰

婦人吹乳意如何皂角燒灰蛤粉和煖酒壹盃調

壹字頃間揉散咲呵呵

又方

小

小

三

清之

乳香研壹錢 瓜蒌根末西壹 右研勻温酒調服貳錢

產後乳膨以大麥芽壹兩炒研煎湯飲之自消

丹楊孺人乳腫痛

青皮 石膏煨研

連翹

皂角刺炒

黃藥子

當歸頭

木通各壹錢

甘草生叁分

作一貼入好酒些少同煎飲之又有別藥洗腫處

義二孺人平時乳內有結核不為痛忽乳邊又有一腫核却頗有些痛

黃芩

川芎

木通

陳皮各肆錢

人參貳錢

大腹皮叁錢

炙甘草

生甘草

當歸頭

芍藥各壹錢

右分二貼煎服

二孺人但經將行而乳腫先兩日發口乾而不渴食少減脉左弦帶數右却平治用四物湯加陳皮白木茯苓帶熱下與點丸叁拾粒

一後生作勞風寒夜熱左乳痛有核如掌脉細澁而數此陰滯於陽也詢之已得酒遂以瓜蒌子石膏乾葛台芎白芷蜂房生薑同研入酒服之四貼而安一婦人內熱脇脹兩乳不時作痛口內不時辛辣若

卧而起急

皮黃連山梔

甚兩乳忽腫肝脉涉熱乃熱入血室也用加味小柴

胡湯熱止腫消

雲岐連翹湯 治產後妬乳并癰

連翹

升麻

芒硝 各壹兩

玄參

芍藥

白鯁

防已

射干

大黃 貳錢

甘草 陸錢

杏仁 肆拾枚 去皮尖

右咬咀以水陸升煮貳升下大黃次芒硝分三服

補虛

一儒者兩乳患腫服連翹飲反堅硬食少內熱胸脇

作痛日晡頭痛小便赤澁此足三陰虛而兼鬱怒前

藥復損脾肺先用六君加芍歸柴胡山梔四十餘劑

元氣復而自潰仍作痛惡寒此氣血虛也用十全大

補湯六味丸而愈 封君表陽涇左乳內結一核月

餘赤腫此足三陰虛蕪怒氣所致用八珍加柴梔丹

皮四劑赤腫漸退內核漸消又用清肝解鬱湯而愈

時當仲秋兩目連劄肝脉微弦此肝經火盛而風動

也更加龍膽草伍分并六味地黃丸而愈若用清熱

敗毒化痰行氣鮮不誤者 一儒者兩脇作脹兩乳

作痛服流氣飲瓜萋散半載後左脇下結一塊如核
肉色不變勞則寒熱此鬱結氣傷而為患虛而未能
潰也八物加柴胡遠志貝母桔梗月餘色赤作痛膿
將成矣又服月餘針之出膿碗許頓然作嘔此胃氣
虛而有痰也令時啗生薑服六君子湯嘔止加肉桂
而瘡愈彼後出宰每傷勞怒胸乳仍痛并發寒熱用
補中益氣加炒山梔愈 一婦人久鬱右乳內腫硬
用八珍湯加遠志貝母柴胡青皮及隔蒜灸兼服
效瓜萋散兩月餘而消 一婦人左乳內腫如桃石
痛不赤發熱漸瘦用八珍加香附遠志青皮柴胡百

餘劑又兼服神效瓜萋散三十餘劑膿潰而愈 一
婦人因怒左乳作痛發熱表散太過腫熱益甚用益
氣養榮湯數劑熱止膿成不從用針腫脹熱渴針膿
大泄仍以前湯月餘始愈此證若膿未成未破有薄
皮剝起者用代針之劑其膿自出不若及時用針不
致大潰若膿血未盡輒用生肌反助其邪慎之 一
婦人膿清腫硬而黃食少內熱晡熱自汗盜汗月經
不行此肝脾氣血俱虛用十全大補加遠志貝母及
補中益氣各三十餘劑外用葱熨患處諸證尋愈
一婦人膿成脹痛欲針之不從數日始針出敗膿三

四碗許虛證蜂起幾至危殆用大補兩月餘而安若
元氣虛弱不作膿者用益氣養榮湯補之膿成即針
若腫痛寒熱怠惰食少或至夜熱甚用補中益氣兼
逍遙散補之為善 一婦年二十有五素虛弱多鬱
怒時疫後脾胃愈虛飲食愈少又值氣忿右乳脇下
紅腫應內作痛用炒麥麩熨之腫雖稍散內痛益甚
轉側胸中如物懸墜遂與加減四物湯內腫如鶩卵
外大如盤胸脇背心相引而痛夜熱勢甚時治者皆
以攻毒為言薛云此病後脾弱而復怒傷肝治法惟
主於健脾氣平肝火則腫自消而病自愈矣定方以

八物加陳皮黃芩柴胡山梔白芷服八劑病減六七
去白芷加青皮木香桔梗又六劑而全愈若用攻毒
之劑病胡能瘳

葛稚川方 治婦人乳癰

人牙齒 燒存性

右為極細末以酥調塗貼癰上

敷乳方

天南星

生半夏

皂角針

燒帶性
各參分

白芷

草烏

直僵蠶

焙各
壹分

右細末多用葱白研取汁入蜜調敷若破瘡口作

膏藥貼

丹溪云一婦人年六十厚味鬱氣而形實多妬
夏無汗而性急忽左乳結一小核大如棋子不痛自
覺神思不佳不知食味絕半月以人參湯調青皮甘
草末入生薑汁細細呷一日夜五六次至五七日消
矣此乃妳岩之始不早治隱至五年十年已後發不
痛不痒必於乳下潰一窾如巖穴出膿又或五七年
十年雖飲食如故洞見五內乃死惟不得於夫者有
之婦以夫爲天失於所天乃能生此謂之巖者以其
如穴之嵌呀空洞而外無所見故名巖患此者必經

久淹延惟此婦治之早正消患於未形餘者皆死凡
十餘人又治一初嫁之婦只以青皮甘草與之安
隆慶庚午予自秋闈歸則亡妹已病蓋自七月乳腫
痛不散八月用火鍼取膿醫以十全大補湯與之外
敷鐵箍散不効反加喘悶九月產一女潰勢益大而
乳房爛盡延及膏腋膿水稠粘出膿幾六七升略無
斂勢十一月始歸就醫改用解毒和平中劑外搽生
肌散龍骨寒水石等劑膿出不止流濺所及卽腫泡
潰膿兩旁紫黑瘡口十數胷前腋下皆腫潰不可動
側其勢可畏余謂產後毒氣乘虛而熾宜多服黃芪

解毒補血益氣生肌而醫不敢用十二月中旬後益甚瘡口廿餘諸藥盡試不效始改用予藥時膿穢粘滯煎楮葉豬蹄湯沃之頓瘳乃治一方名黃芪托裏湯黃芪之甘溫以排膿益氣生肌為君甘草補胃氣解毒當歸身和血生血為臣升麻葛根漏蘆為足陽明本經藥及連翹防風皆散結踈經瓜蒌仁黍粘子解毒去腫皂角刺引至潰處白芷入陽明敗膿長肌又用川芎三分及肉桂炒藥為引用每劑入酒一盞煎送白玉霜丸踈膿解毒時膿水稠粘方盛未已不可遽用收澁之藥理宜追之以翠青錠子外搽明日

膿水頓稀痛定穢解始有向安之勢至辛未新正患處皆生新肉有紫腫處俱用葱熨法隨手消散但近腋足少陽分尚未斂乃加柴胡一錢青皮三分及倍川芎膿水將淨者即用搜膿散摻之元宵後遂全安萬曆癸卯二月時侍御趙蓋菴提學南畿托敕縣令致意約會于茅山予以館誼不容辭特往赴之則有病欲求治也袒其胸左乳側瘡口大如椀惡肉紫黯嶙峋嵌深宛如巖穴之狀臭不可近予問何從得此曰館試屢下意不能無鬱夏月好以手捋乳頭遂時時有汁出或曰是真液也不可泄因覆之以膏藥

汗止而乳旁有核既南來校閱勞神乳核輒腫痛一書吏頗知醫謂汁欲出而為膏藥所沮又不得歸經故滯為核聞婦人血上為乳汁今汁亦血類也宜飲芎歸酒行其滯血核自消矣吾以為然而飲之核如故而吐血衄血大作飲京口張醫藥吐衄止而腸風作張矜自功謂血從下出者順然體則重困矣復飲他醫藥便血亦止乳核之勢日益張遂至於潰一草澤醫能煉砒治痔漏私計此亦漏瘡也納藥其中痛欲死潰不可支故至此予意在法為不治而見其積神尚王飲噉自如無甚惡候尚可延引歲月為之定

方而別後校士廣陵不相聞問遂改用它醫藥至八月初以滯下發噉死夫男子患乳巖者少矣其起又甚微眇而三為盲醫所誤遂至此砒誠不可納也芎歸何罪乎不可不書之以為後鑒

浦公英草搗爛盪患處神妙 天南星末以溫酒調塗之 治婦人乳痛成癰以益母草為末水調塗乳上一宿自瘥生搗爛傅之亦得 婦人吹乳用桑樹飯搗成膏貼之 乳頭裂破丁香末傅之

癰

乳中穴

在乳下中針入皮向後壹寸半灸瀉

分浴

甲乳癰

寒熱知氣卧不安膺恣主之

乳癰瘻素寒熱痛不

可按乳根主之

大驚乳痛梁丘主之

乳癰有熱

三里主之

乳癰諸藥不能止痛者三里針入伍分立止

女子乳癰驚巨

虛下廉主之

千金云腫重足踏不收跟痛

乳癰太衝及復溜主

之 妬乳太淵主之

婦人乳餘疾盲門主之

